

宋詩紀事補遺

宋詩紀事補遺卷之六十一

歸安陸心源伯剛父輯

羅相

號容谷散人浙江餘杭人慶元五年進士

題翠蛟

坡仙已跨老鯨去天矯一蛟留翠岑頭角要歸滄海
闊鬚鱗聊舞小亭陰停杯欲共馮夷語倚杖不知嵐
氣深休用旌陽持劍起憐渠終夜抱珠吟

洞霄詩
集卷四

許奕

字成子四川簡州人慶元五年進士累官起居

舍人韓侂胄議開邊奕貽書曰今日之勢如元
氣僅屬不足以當寒暑之尅官至寶謨閣直學
士知潼川府著有毛詩說論語尙書周禮講義
宋史有傳

題樊漢炳墓

高志崢嶸局九州直從人裏著仙籌青囊書在鬼神
泣黃絹詞高冰雪羞槐里但知曾折角蘭臺無復問
長頭玉棺夜入青雲去山是人非白鶴愁

眉州
屬志

高頤

字元齡福建寧德人慶元五年進士歷知永州

東安縣有政聲學以立誠爲宗著有雞窗叢說
一百五十卷詩集解三十卷詩文五百餘篇學
者稱拙齋先生

支提禪寺

石龕金佛一千身不到支提孰認真
髣髴鐘聲鳴翠阜晶熒燈焰下蒼旻
平生夢想烟霞際今日來遊鬢髮新
踏破禪牀秋月皎水雲閒淡入精神

定泉井

方師鑿破天地髓碧龍吹出冰霜寒
一泓清澄絕泥滓萬竅號動無波瀾
倒海翻江俱是幻貯風留月得清

真觀我來酌飲冷徹骨飄飄此身在霄漢惠山之泉
甘如飴但隨茗椀爭新奇廉泉讓水名匪欺祇以賢
者爲品題此泉源流本曹溪名之以定實亦宜嘗試
以手測其涯而不泛溢旱不虧莫言此乏蜿蜒姿蟲
行蟄動皆可疑咫尺中間涵世界寂然心印本無礙
不與兒童攬水渾留照鬚眉長自在

靈德志

張方

資陽人慶元己未進士授簡州教授累知眉果
二州提點利夔成都路刑獄兼西川制使參議
官終刑部郎官直祕閣後號亨泉子有亨泉遺

稿一百卷

資水橋

二里橋頭車馬行
靈龜背後玉龍橫
漲瀧往日驚河伯
砥柱千年要石兄
資水右旋江會合
天台西直卦文明
吾心怵惕便施手
所當爲無問名

泊舟別故

瓣香杓杜老先生
文藝林中許乞盟
埽葉巖幽酌泉
實可能續賦洞簫聲

資州直隸州志

烏尤山

竹橋沙水烏尤渡
絕壁孤崖意氣驕
故與凌雲分半

坐僧窗假寐見金焦

以其似金山焦山也嘉定府志

張栢父

送鄭惟泰丞江山

案鄭惟泰名極江山人慶元五年進士

都城十兩車送子江之澣目寄片帆飛水國沿漁浦
憐子經世才戰筆文中虎小試乘田車暫爲民父母
民社不輕寄憂戚抱民苦忠孝指心切求不愧仰俯
青天遇有闕思惟煉石補効職了男兒一扇醕風古
送子獨鍾情淮河共鄉土

江山縣志

張析

烏程人慶元五年通直郎知晉陵

武康秀聚亭

老矣丹心在愁來酒興濃江山遺古意雲水淡秋容
落日孤村笛微風遠寺鐘平生善知識卻憶妙高峯

武康志

張天翼

福州人慶元五年特奏名

同顧狀元玉文登瑞巖

迢迢何處覓仙關翠竹蒼崖夕照閒倦鳥依依穿石
磴落花歷歷點苔斑春殘幾負層霄約首白寧辭絕
壁攀乘興相攜遙躡屐一樽聊與賦青山

宋詩拾遺

李洪

字可大揚州人正民之子也僑寓歸安之飛英坊家世登桂籍躋職仕號淮南儒族屢知藤州温州慶元五年官浙東提舉六年除本路提刑著有芸庵類稿二十卷

卜居飛英坊

束書辭都門整棹還苕川羈遊二十春寓農安一廬家無卓錫地三挈囊衣遷移居古城隅開門枕漪漣容膝居易安環堵地自偏水竹慚履道風物異平泉掃軌謝奔競面壁參枯禪仰愧此坊名飛英馳日邊

吾方師老圃樊須無閒然何當畢婚嫁四十在明年
何浣

江陰人慶元進士嘉定十五年官從政郎鎮江
府教授見毘陵志至順鎮江志

留題吳氏園

傍晚秋暉靜穿松石路微山川起幽興杖履款高扉
白首偶成趣素懷欣未違故園今艸棘飄泊幾時歸

天台
別編

傅烈

字承仲晉江人慶元進士嘉定十年以宣教郎

知廣東保昌縣歷惠州教授知循州

浮碇岡

洪水未必能流山別島安得居人閒扶桑夜半光吐
焰銅龍白晝飛塵寰初聞其事驚且異傳言豈或流
千蠻試將圖牒爲考訂山中記載皆班班扶藜喜作
山中行勝處不復愁天慳樓臺自是人隔絕峯岫直
與天回環憑虛搜冥一眺望日觀先明兩山向乃知
雲浮山更浮二山總在三山上從來凡眼不見識怪
怪奇奇千萬狀我疑靈竇皆國寶不待山人留心匠
丹崖佛迹直末耳天輦名山世基仗干戈昔爲聞馬

崑有壇百尺那能開坐中一笑失道士國勢隨滅如
烟埃清廟祀典歲歲舉慶基福地源源來願將此山
比南山歌詩直紀山之隈

廣東通志
山川畧

汪忱

西安人慶元閒進士

爛柯山

山作危梁千尺橫一天金泛月波清幽禽不復驚棋
響深谷猶能答斧聲塔壞尙餘鴻雁意井荒誰放轆
轤鳴試將比較天台景只欠瓊瓏琪樹英

西安
縣志

石東震

眉州人慶元進士

小桃源

門前碧醺一溪斜
髣髴逃秦處士家
輿地紀勝

宋思遠

慶元閒知汀州

汀州

全閩形勢數臨汀
贛嶺連疆似井陘
江匯里淵鎖地
脉山橫華蓋應天星
輿地紀勝

湯炳龍

字子文山陽人
寄居京口官慶元市舶提舉晚

自號北村老人箸有北邙集

陸君實輓詩

七日陰霾事可知樓船魚貫果誰爲人心自感興元
詔天意難同建武時黃屋朔風那有濟角巾東路覺
無期公爲萬古綱常計兒女扳船不暇悲

聞關海島豈謀身嬰曰存心力不能天上龍章空結
夢人閒魚腹了中興英雄一死從君父忠義遺編託
友朋萬里楚魂招不得詩成惟有淚霑膺

題江貫道百午圖

我本山陽田舍叟家有淮南數千畝江南倦客老不

歸此田多爲勢家有猶記少年學牧時
日出歸日西我生衣食仰此輩愛之過
千百里奚祇今辛苦耕硯席無處賣文
長絕食卷中邂逅黑牡丹相逢喜是曾
相識負郭無須二頃田一雙栗角能幾
錢數口之家便可飽要如此圖知何年
平生富貴非所願城府近來尤可厭何
時倒乘牛背眠東風勝如仰看宣明面

明面

據此詩知北村爲山陽人非丹陽人也

淮安府志

林嶠

福州人知潮州事

重關西湖

鏡奩平處小橋西橋外輕鷗掠鏡飛鑿破青雲放山
出撥開碧蘚引湖歸帶烟插柳陰雖瘦趁雨栽荷綠
已肥欲借禽魚祝君壽君恩寬大此情微

新堤喜繞幾紆紫挈榼攜壺出滿城萍破烟紋容棹
過石開雲罅著人行亭浮橫照波中影僧拾殘霞樹
杪聲不必鳳凰山上問此山東向面湖平

潮州府志

劉瞳

慶元中武康人著有餘英志二卷

禪師塔次韻

皓月孤懸處知師幾駐筇鐵鞋雖踏破隻履覓無從

傳法燈燈火聞經處處龍可憐狂醉客夜坐漫搥鐘
林拱中

古田人

遊虎邱

白虎巖前秋已闌黑雲疎雨洗林巒鐵花烟落石泉
冷羽井苔深霜月寒隱浦疾帆風去飽疎寮森木曉
催丹清齋不許盤餐入辜負湖山冷淡看

我來一榻羨危亭倦步支頤竹杖輕僧聽鐘聲歸寺
急鴉爭林宿壓枝鳴禪機擊撥如鋒起塵袂驅除似
水清風定夜虛聲轉寂杯茶精舍一燈明

虎邱志

王廉清 厲有

送桑澤還天台

桃花風起竹輿寒寒食天晴石路乾正是東君好春色不妨詞客駐歸鞍金聲賦就方騰踏鐵硯才高尙考槃如到瓊臺與華頂爲儂試拂舊題看

天台別編

張埏

字叔信號銀峯慶元時鄱陽人

龍隱巖

幾年鱗甲蟄清淵一旦飛騰石自穿遺迹漫存離舊隱定應衝雨去朝天

洞口巖高著數椽，湫靈聽法護金仙。
騰身一躍天池後，雲霧于今尙滃然。

廣西通志山川畧

游水月洞偶思翰林李白詩因摘其句集成

一絕

明月出天山，月明秋水寒。
觀心同水月，鑷白坐相看。

彭巖肖

字龜峯，崇安人。慶元中領鄉薦，前輩咸以老成禮之年八旬餘，嗜學不倦。

清獻梅

清獻堂前樹無枝，可著春豈知三百載。
復有種花人。

全閩詩話彭巖肖嗜學不倦詩文窺韓杜
戶庭招肝劇腎無一字輕綴縣尹楊補植
清獻梅命賦云云

朱晞顏
厲有

還珠洞下臨灘江無一點塵俗氣上有真人
蹟在焉蓋神仙窟宅也攜家來遊抵暮而歸
天斲神剡不記年洞中風景異塵寰江波蕩漾青羅
帶巖石虛明碧玉環地接三山眞蹟在天連合浦寶
珠還重來況是乘槎到慙愧雲門夜不關

假日過龍隱有以千葉白梅獻者輒成鄙句
呈廣文發一笑粲

素葉重重疊雪輕
先春不怕雪霜凝
人言五嶺地皆熱
誰折一枝寒欲冰
似笑疏花太孤瘦
故教密葉擁千層
湘南別有新春樣
拚醉花前喚不膺

兩入湘南口見秋序連
雨新霽萬象清澄攜
累游彈子巖時已上祠
請束甌待報可而歸耳

傷弓枉木謾猜嫌
巖石□□□樣圓
雕鶚橫空秋凜凜
鳬鷖渡水晚翩翩
壯心灰冷慵思繳
蹇步塵勞不受鞭
彈挾張弓付年少
歸歟趁取菊花天

石柏

海物難窮造化奇後凋惟有歲寒知誰將脩月黃金
斧斲就凌霜紫玉枝直幹渠容塵點沍靈根偏與石
相宜天然不假栽培力肯逐春風盛與衰

口底石聞得枯木一枝花葉咸無焉而枝幹
峭拔如峴山晉柏蓋石之精英凝結而成光
澤瑩潔不減冰玉扣之其聲鏗然珊瑚不足
道以是知海物維錯其中亦何所不有但世
人未之見耳因成鄙句刻之八桂堂下巖石
間以識歲月

天教海石效珍祥不與千林春競芳擲地遺音清夏

玉凌雲直幹凜凝霜誰浮鯨海星槎到猶帶蟾宮月
桂香冶葉浮花掃除盡堅高直欲共天長

慶元之元至後二日遊壺天觀泛舟過龍隱
洞小酌月上而歸

浪道湘南是瘴鄉玉壺銀闕四時涼臥龍不逐葭灰
動愛日空驚繡縷長浮蟻且同佳節醉探梅不作少
年狂暮歸慚愧山頭月照我駸駸兩鬢霜

臨桂虞山韶音洞

曾按薰絃天一方掃除民愠變清涼遺音凜凜猶聞
耳不獨當年味可忘

疊綵巖登越亭

不到越亭久榴花今已紅江流寒瀉玉
山色翠浮空百越薰風裏三湘夕照中
行藏仗忠信六合本同風

廣西通志

陳邦鑰

溫州人

送考亭朱夫子赴天台

羸馬踏殘月荷策登泮宮入門見先生
先生何從容循循善誘能啟下青蒿
因得附長松短檠相對三百六十夜
高談雄辨磊落沃胸中吾王求士苦
惓惓未

許先生久臥龍乘驄直上天台路祇緣此去何由從
鳴啼吁小齋從此冷如水薺鹽朝暮怏怏爾空留絳
帳照孤燈窗外西風寒起葦

縉雲縣志

林仲虎

字景瞻號定窗福建甯德人年十三能屬文以
武舉魁漕選嘉泰初廷試第一開禧開副李壁
使金

出疆

去時不敢留姓名一身萬里鴻毛輕征轡不返長淮
水正恐來者愁此行吁歎此行良獨難出門兒女更

辛酸平生崛強身是膽自許虎口能生還從前鷗鷺
奮不飛機心一動成驚疑願言嘻噓噉兒齒直到齒
落兒不知甯德志

陳映

長樂人嘉泰初知汀州有政績

北樓

南澗吹雲過北團北山飛鳥入南山區區雲鳥緣何
事未似風流太守閒長汀縣志

鄒斌

斌字倩父臨川人嘉泰初擢丙科授德安府司

戶學師陸象山吳潛吳淵皆其弟子奉委經理
三關措置有方勸來陽寃獄人稱神明秩滿歸
趙汝談薦不起以奉議郎致仕有南塘藁

華子岡

風流晉人物康樂性樂山文選數十詩大半皆林泉
未知當時士多少肥遯賢投書犯世網何如康樂所
小隱華子岡世事成雲烟高風輞川期師法角里傳
倘悟神仙訣千載如眼前

江西詩後

劉天益

一名忠益字謙中軫子平陽人居白沙性至孝

母喪哀毀不已嘗得母遺鏡賦詩自悼又著思
母篇詞意淒惋同鄉朱黼題其卷末嘉泰元年
以布衣應賢良方正直言極諫科上書萬言生
平邃于理學文尤高古警拔所著有筠坡集行
世

遺鏡

親去鏡亦去鏡還親不還從今磨積垢終不對慈顏
明月挂臺上白雲生匣閒洪恩何以報羞見鬢毛斑

平陽縣志

王容

號環澗江西廬陵人嘉泰元年解試

題蘭亭帖

昭陵永闕千年迹定武相傳幾樣碑此是中原舊時
本石今焉往落東夷君家何處得此紙刻畫爛然猶
可喜六丁神物好護持更有諸賢題姓字

蘭亭攷
卷十

謝采伯

字元若台州臨海人宰相深甫子理宗后謝氏
之伯叔行嘉泰二年進士歷知廣德軍湖州監
六部門大理寺丞大理寺正著有密齋筆記

夢中作

歸來隣里悉不記未免驚呼問桑竹

密齋筆記卷五

釣臺嚴子陵祠

輟帆謁肖像衣冠非漢儔翩翩掛佛幡小櫝求香油
庸衲資誑惑良爲先生羞後來躋兩賢幾與逆祠侔
扁堂失本旨貽笑何時休盍歸白而長是正茲謬悠

古杭雜記

陳俞

字伯俞閩縣人嘉泰二年進士官太常博士

贈畫魚賈兄

春江浩蕩春江闊夜半潮聲湧新沫曉風吹斷碧雲

根萬頃滄波帶晴豁浪花激灩翻紅桃羣魚出沒乘
輕濤悠揚得意鼓鱗鬣十五五同爲曹昔曾觀瀾
知此意真樂胷中渺無際常嗟物理難形容幸有賈
君得精藝巨魚奮迅凌江湖纖鱗錯雜依菰蒲精神
萬狀幻新筆巧與造化論錙銖竭來過我示奇作數
幅生綃圖縱壑呼童展向虛堂中恍若當年見魚樂
如君畫思幾通神眼高世俗空無人石臺去後今幾
載毫端彷彿留芳塵又宜學取洞清拔寫龍不寫潛
波鮪徒能畫魚不畫龍空使饒夫吐饒水

截江網

張淡

號敬齋嘉興人嘉泰二年進士

題資福院平綠軒

禪窗虛敞瞰西南野色溪光接畫簷雲去碧天無閒

斷一看依約見山尖

嘉禾志

盧孝孫

孝孫號玉溪貴溪人嘉泰二年進士官太學博士
淳祐初挂冠歸累召不起學者稱玉溪先生

梅雪堂

元冬雪霰零寒梅吐花白皎皎冰玉姿六出同一色
佳士開幽軒於此心境悅味澹志愈堅冰霜勵高節

永言貞素心千載共孤潔

江西詩徵

李儒用

字仲秉平江人嘉泰二年進士歷官制幹學者稱練溪先生有理致集

登中梁山

浩蕩秋風使節歸南山重與北山違自來人物瞻烏帽更共賓寮款綠衣秦地關河纔咫尺漢都風景尚依稀壺漿迎處多遺老絕歎登臺往事非

路入梁州如砥平登高遠目更增明霜清木落千山瘦潦盡江空一水橫歲稔未寬憂國志時危轉切望

鄉情英雄千載興王地孺子堪憐此曳兵

沅湘耆舊傳

陳襄

興化軍莆田人嘉泰二年進士

李侍郎修路

路餘百里兩山間水驛山程摠不安誰把千金平滑
磴免教一葉委驚灘行人感歎何時已賢守功名百
世看次第吾聞都似掌卻嗤蜀道號泥盤

輿地紀勝

劉鋹

厲有

春暮

春至又春暮閒心成古心花光隨雨薄草色共烟深

粉蝶稀狂影黃鸝送好音餘芳留不得還共夕陽沈

山中早行

嚴鐘將報曙遊子已登途野火時明滅殘星似有無

八歲女善棋

慧黠過男子嬌癡語未真無心防敵手有意惱詩人
得路逢師笑輸機怕父嗔汝還知世事一局一回新

挽崔菊坡句

始終無玷缺出處最光明

太姥山

滾滾千山入馬蹄出遊回首日平西人從杜宇鳴時

別天向蒹葭靜處低白鳥得魚閒釣艇黃蜂抱葉閒
花枝好將太姥山前路付與孤猿自在啼

嚴子陵釣臺

漢業重恢百戰閒君王側席歎才難故人可是擎天
手肯放桐江把釣竿

以上粵詩蒐逸

浮膺山

太山奔到海之濱中有輝光佛刹新前後二三皆梵
侶不知誰是報恩人

福甯府志

阮文卿

一作文子福建長溪人嘉泰二年進士歷國子

學錄終肇慶府通判

壽趙仙尉

君不見苕溪有山號浮玉降神儲瑞皆天族又不見
苕溪有水名水晶地靈人傑盡維城苕溪山川稱第
一孕秀梅仙尤傑出我來席上揖清風義氣相與吞
長虹見人須見大丈夫縱是封侯亦不如周官一卷
長生錄未必人聞有此書功名一入英雄手彩棒暫
持出浙右摧奸扶隱李開封宗室李少府事夜月花村无吠
狗凜凜英風凌四毫趙少府事一同誰敢犯秋豪不惟握
髮勤延士久且官清馬骨高書生慣作无甞客負篋

南歸屢最仄何怜蹤跡苦奔馳俾近淵明時請益馬
走暫停憇縣齋晨昏黃嬾仍相陪不覩王母蟠桃結
隔牆无得獻金盃欣逢子月陽來復一天佳氣回寒
谷莫生九葉慶垂弧僉將瑞應長庚宿綠衣槐簡舞
蹁躑重拜萱堂王母仙瑤池新革偷桃令有子今如
曼倩賢不祝算如龜與鶴願君早施江夏略掃除羶
穢口神京長與蒼生同壽樂不祝祿如山與丘願君
爵冠朱虛侯今歸且定郊廓鼎長使卜世過成周

網

江截

張安修

甯德人嘉泰二年漕舉發解

題靈龜洞

何年六丁驅霹靂蒼龍驚起穿崖石
拏雷掣電卷波濤來與眞仙分窟宅
上崖窅深如側甕下崖豁訝如空洞
不知泉脈從何來百面輦鼓長洶湧
大靈闖首浮中流背隱八卦開雙眸
似聞夏潦不能沒疑有神仙司諸幽
我曾雁蕩觀龍鼻半日纔通涓滴水
豈如六月散甘霖靈泉滾滾無窮已
惜哉埋沒荒煙中車馬來稀三疊重
若教遺向飛來峯龍井冷泉皆下風

湖南通志山川

王堉

山陰人嘉泰二年知石門縣

語溪弔古

扁舟已載西施去此地空留笑語名
夜夜月從沙浦照年年花傍野塘生
雲深笠澤人何處鹿走姑蘇恨未平
惟有漁歌猶古調一簑烟雨五湖情

石門縣志

楊邁

浙江武義人嘉泰三年進士

游九鎖

尋幽向何處大滌山水好九峯拔奇秀下有松石老

白雲和紅葉滿徑無人掃振衣長風生一笑登木杪

洞霄詩
集卷四

劉寅

江西永新人嘉泰四年解試進士 又一人建
安人嘉泰二年進士

三高祠

江流東去日滔滔誰把功名等一毫若使今人同古
調不應江上只三高

人謂吳癡信不虛逮崇越相果何如千年亡國無窮

恨只合江邊祀子胥

吳都文
粹續集

喻峙

字景山號大飛仙遊人與莆田陳宓相友善

山中

我是山中萬戶侯明知騎馬勝騎牛
晚來馬上看山色不似騎牛得自由

興化府志

宋詩紀事補遺卷六十一終 男內閣中書樹屏校

宋詩紀事補遺卷之六十二

歸安陸心源

知不足齋

權安節

字信之九江人累官福建轉運副使嘉泰四年
朝散大夫司農卿充祕閣修撰提點浙東刑獄
改差知鄂州累知臨江軍江水齧岸多傾圯安
節請于朝重築之民甚賴焉

故侍讀黃公挽詩

西南人物早推先入踐華途譽望全朱郎談經忠貫
日黃扉批勅力回天敬王素學真無負憂國沉疴竟

莫痊初政遽辜求助意忍觀遺事照青編

保甯府志

李奎

字叔厘眉州人熹子嘉泰甲子臨邛守累官夔
州路提刑

黃香橙

黃雲冉冉曉蒼蒼閒倚平湖只自香較似寒梅雖未
至依然風韻挾風霜

北園酌酒觀鶴

靜看淺瀾幾遊鱗爭似元裳縞袂春幾度有書招不

至應慚側翅傍他人

眉州府志

李鏜

眉州人壽孫官修職郎通判彭州

椒溪灘

一梁中截兩山連雪布寒飛幾竅穿深鑿卻疑通禹
穴長流應不比潮泉崆峒影裏分三峽太極圖中會
百川神斧何年平石壁新題許我得深鐫

眉州屬志

楊昕

崑山人嘉泰進士

甘露院

三八玉泉分派冷三千銀界出塵清

輿地紀勝

楊次公

嘉泰時上虞人

琉璃軒

西軒一泓水瑩淨碧琉璃天人舉目視中有魚龍知

不知

諸暨縣志

陳延齡

嘉泰閒富陽縣丞

恩波橋

富春勝趣錦一幅四面好山青簇簇浙江逶迤向東
來千里平鋪鴨頭綠老夫作官從此遊恩波閣道如

虹浮凭欄夜半玩星斗會稽分夜天南頭是時萬籟
寂不作惟見翱翔雙白鵠□□正與董雙成坐駕雲
軒窮碧落素娥海上來相迎玉笙度曲鸞鳳鳴商音
嫋嫋洗人耳驚起葛翁仙夢醒走着氅衣忙草草開
門誤踢神爐倒丹光飛起掩月明虎嘯龍吟天地老
浮覺院竹軒

山僧種竹數百個堂戶清陰日日濃從便寄棲天外
鳳等閒夢化鉢中龍護餘貝葉雲無跡刺破苔痕石
有踪老去要盟蓮社約一枝攜取策龍鍾

普明菴

普明禪寺隱巖堦狂客重來酒未醒雲氣竟拖龍尾
白山容盡比佛頭青松林深處誰家屋村墅斜陽若
個亭莫問笑談歸去晚有詩留與赤松聽

丹霞觀

蒼簋林深羽人觀正傍嚴陵舊釣臺山中白雲夜或
起洞口丹霞晝不開雙成吹笛駕鸞下葛翁擲杖爲
龍來仙風道骨我亦有姪女嬰兒君可猜

大安院

詩人假榻古蘭若松風澗水相泠泠優婆塞傾椰子
酒須菩提講蓮花經龍形老樹雨知翠佛頭高山雲

見青借問仙人渺何許飛昇一去三千齡

富陽志

蘇植

嘉泰時人

歲在辛酉改元嘉泰庚伏之末拉親友姚述之
鮮長源黎元寶逃暑南岳講河朔故事也聰山
主從遊竟日因摘東坡山谷詩句集成四章題
石壁以紀行

江山松柏深復深

東坡次韻子山送千之妹

清風一榻抵千金

東坡

佛日山榮

人閒熱惱無處洗

東坡

借我一庵聊洗心

長老五絕
東坡孔毅父
以詩戒酒

世上功名何日是

東坡常潤道中有懷錢塘

我生百事常隨緣

東坡

和蔣夔寄茶

吟哦相對忌三伏

東坡次韻孫秋丞見贈

歌罷曲肱還

醉眠

東坡外集郭功甫醉吟庵

水邊林下逢衲子

山谷送密老住五峯

我亦來追六月涼

山谷鄂州

南樓書事

傳得黃州新句法

山谷次韻文潛立春日三絕

茗搜文字響

枯腸

山谷次韻楊君全送酒

作箇生涯終未是

山谷次韻幾復和荅所寄

誰能鐵裏鬧錚錚

山谷

入窮巷謁李材叟

相看領會一談勝

山谷贈石敏若

山自白雲江自

橫

山谷再次韻兼東履中南玉○石刻

徐嘉言

厲有

嘉泰時迪功郎充温州州學教授

挽薛良齋

卓犖才名四十秋，屢摠良策動宸旒。
傾河議論誰能敵，唾手功勳未肯休。
方快九霄搏鸞鷟，俄驚長坂蹶騅駒。
天公應此六丁下，著述文章盡捲收。

宦游將適鄭公鄉，眾說膺門氣味長。
欲效然明略陳語，那知叔向罷登堂。
毗壇不識新分竹，雪水空瞻舊芡棠。
天不慙遺何太早，忍看埋玉向高岡。

薛浪語集

李德裕

一作裕

嘉泰間知長汀縣

迎神辭

神之來兮翳雲旂紛前導兮後隨坎坎兮擊鼓薦聲
芬兮蘭杜肴豐兮酒旨郁荔烟兮迤邐願我神兮孔
歆民稽首兮拜且喜神之臨兮皇皇爛侯服兮黼黻
章異靈兮昭晰嘉貺沓兮未央潦以陽兮旱以雨驅
厲鬼兮逐異方羌報稱兮安寓渙新封兮有光神之
去兮躡天雲言叩謁兮帝闈爲民兮有請下土讐兮
靳帝散青坻京兮歲成安堵兮生生民有依兮神以
食萬有千歲兮潔粢豐盛

福州府志

羅知古

晉江人開禧元年進士累知建安縣興化軍通判以廉平稱

玉笥山鄧仙

騷人胷次幾江山更著危亭山水閒羣鷺齊飛殘照落雙鳬自在白雲閑平蕪縈繞青羅帶遠岫參差綠髻鬟此意何人共幽獨我來終日欲忘還

雙秀亭

亭下波光亭外山高低融洩照人寒最宜風月虛明夜不著秋毫眼界寬

句

層層碧嶂來無盡
袞袞清江遠莫追
以上與地紀勝

陳韓

字子華號抑齋侯官人開禧元年進士累官將
作監丞知興化軍工部郎官福建提刑福建江
西安撫使知隆興府刑部尙書江東制置大使
知樞密院事開慶二年卒年八十三

遊武夷作

聞風元不隔
扃扉桑柘松筠
匝匝園溪貫一原
藏曲折山羅萬象
欲騰飛仙壇起霧
成丹竈玉女披霞
作綵衣寂寂幔亭
天籟息笙簫疑向
夜深歸

次韻

來爲羣元扣右扉香生瓊宇碧油圍前騶所過風俱
靜幽鳥不驚雲與飛清嘯一山旋暮角和蒸九曲未
秋衣勝遊英槩真奇遇卷入豪端放棹歸

武夷築精舍

浮世何嘗有定居愜情便可著茅廬久知名利爲羶
鎖愛此溪山似畫圖種菊疎籬幕陶令栽梅淺水亭
林逋只須此地延風月休問君王乞鑑湖

截江網

初夏郊行

羽檄暫稀槐晝永出郊遠眺得神清田間野水縱橫

注林外嬌鶯自在鳴爲羨僧閑逢寺飲要知民樂遶
村行逢迎尙有山花在見識聞香不識名

方來

字齊英永嘉人開禧元年進士淳祐閒以寶章
閣待制知漳州尋進太中大夫致仕見碧梧玩
芳集

碧玉千峯

堂堂紫陽翁棠陰遍南國斯文天未喪眉壽乃公錫
四書迴狂瀾賸得居閑力定作主林神香骨化爲碧
東溪有人豪調古誰能續我來薦芳馨黃花清可掬

想公憐世人翻覆變涼燠至今嫉邪書字字凜寒玉
結廬得佳景向無買山錢床頭數卷書浩溥彌大千
丈夫有遠志至學無窮年騏驥待北風鷹隼翔秋天
武夷溯伊洛源自無極翁譬彼漳江流洋洋滄海通
東萊得家傳南軒從五峯勿疑轍跡殊三賢歸趣同
龍溪縣志

重新九區亭

射堂後圃傍東隅舊日文公畫九區石上草廬刊易
象至今瞻仰後天圖

福建通志卷四十三古蹟

曾治鳳

字君輝晉江人開禧元年進士累知富陽縣通判漳州直祕閣知廣州兼經略安撫使端平二年進直徽猷閣知建甯府

妙庭觀

來訪雙成宅溪流遶故山玉眞歸帝口金鼎落人間
雲氣生窗戶松聲記珮環神仙在何處且得片時間
富陽志

章標

昌化人開禧元年進士官玉山主簿以讀書明道爲己任學者稱南塾先生

千傾山二首

瓊葉半開童女頰
蕨芽初長小兒拳
山中雲雨雖無味
何似山河走暮烟

一池春水應江潮
中起沙鷗數尺高
誰謂風雲遠朝市
亂山深處亦波濤

又長句

欲爲龍池游束裝
戒蓐食雞鳴天未曙
呼兒重蠟屐
滌洄遡寒溪
确犖疲亂石
迢迢萬丈嶺
宛轉蒼龍脊
山高吐朝氣
恍不辨咫尺
俯聽雷雨聲
仰逐猿猱跡
委蛇度花塢
綠淨草可蓆
喜如出籠檻
身輕飛鳥擲

不辭雙足繭遠探蛟龍窟傳聞此山巔舊有滄海色
邇來三十年潭湫變枯荻至今應江湖尚浮鷗鷺集
至理竟未解對之空太息不如西湖遊揮篙汎瑤碧

峽川道中

試將生計問農家兒大扶犁女漚麻燒筍鬻葵供午

餉山中樂事自無涯

昌化志

李伯先

廣東轉運使

贈伍任偕

一門萃忠孝竹帛寫家聲

肇慶府志

李仲光

號肯堂建安人開禧元年進士累官汀州雷州教授

贈弈碁藍氏子

古人制此文楸枰要下黑白知死生閑中借此消永
日未必能取人心爭後人不識古人意致使方寸生
縱橫爛柯人去奕秋死通國善奕誰知名東南地勝
人最傑下至百技今咸精手談坐決勝與負藍氏之
子馳其聲沈機終日靜不語一子落手四座驚肯堂
爲人百不解僻性從來要疎快推倒碁枰君莫怪不

向眼前論成敗

戴江網

仙蛻

晝夜本循環天地均此理人生出入機晝夜差可擬
仙家學蟬蛻蛻然遺腐質白骨尙珍藏似未忘生死
武夷山志

卓田

號稼孫建安人開禧元年進士

麻姑山七古壽主簿母

麻姑之山高接天世言中有麻姑仙朱顏玉爪鎮長
在不知閱世經幾年問此仙今在何許當初果是誰

家女似因一念到人寰已作人閒夫婦緣初說道人
亦仙客帝遣人閒司翰墨後來生得甯馨兒意其得
此仙爲妻祇今源源產仙裔芝蘭玉樹生庭砌翩翩
已作鸞鳳飛看看又是麒麟瑞麻姑本是神仙妻祇
今又產神仙兒阿兒舉酒爲母壽問母出世當何時
母言不記年與代但知景物依然在于時天宇重清
霜更經浹日生新陽祥烟藹藹瑞氣擁後張寶蓋前
旌幢樂聲隱隱鈞天長滿空鸞鶴交飛翔月娥神女
更導送瓊瑤玉佩聲丁當明星一點光滿室此是仙
妃誕生日霜標雪操冰玉姿生與梅花共時節定知

不比百卉凡結子和羹味應別君不見君家鼻祖唐
興初日與房杜爲朋徒阿母見之驚且呼亟將饌殽
供歡娛後來夾輔龍姿主果作凌烟名宰輔至今孫
子又復然史君開府知其賢一朝罷致來幙下鮮鮮
綠水同紅蓮我聞吉星聚會民之福它年事業于今
卜萱堂戲彩雅意足日月臨長醉醺醺更將何物比
遐齡麻姑山色年年青

截江綃

送山藥與友人

陽公得種自藍田種在深山不計年雅愛伏神爲伴
侶更邀枸杞作比聯俗名謾自呼山芋佳號由來號

玉延啜盡羊羹殊可厭
藉渠風味滌腥羶

謝惠白鷺

紅船鴻鵠已驚飛
何幸今朝得雪衣
煙雨風標元自貴
雲霄氣格那須肥
閑花數畝聊供步
淨水三泓足可依
莫憶鳳凰池上路
箇中步步是花機

和姚監丞斫鱸

冰盤飛縷落芳馨
雪色微紅縹玉羹
喚起笭簖十年夢
詩腸手截鷺波清

旋搗金齏搗玉葱
半盂膏酒洗冬烘
吳中風物今猶爾
說與厨人甯舍熊

贈易卦者

自恨今秋賦不工功名分付酒杯中已知得失關平
數始把榮枯問此翁未必一夫司予奪由來六畫管
窮通果然許我真端的從此君行易已東

贈星命嚴叔寓

聰明要是讀書人占藝名家事事精試問五星嚴叔
遇更無三箇蜀君平之言盡中尤其中真術如生不
是生有伎不須人借重伎高番覺我言輕

送人赴上庠解試

南浦從來管別離可傷此地判東西恨無短羽追鵬

翮一任狂風送馬蹄
明月層樓雙旅思
青天萬里一雲梯
到頭千佛名經
上年弟年兄取次題

謝人賀生子

古云錦被無兒息
此語從來太沒情
熊夢方慙徒吉叶
弧門尙冀或成功
拙軀增累何須慶
寒舍添丁未是榮
不意謙光如此厚
彩牋一幅瑞華盈

賀人生孫

德積千門後必昌
孫枝此日果儲祥
休誇注水生麒麟
自度丹山產鳳凰
蓬矢桑弧今已舉
犀錢玉果孰能忘
寒荳久荷沾濡賜
更藉春風爲發揚

送人廷對

古來幾段奇功名不付尋常齷齪人將軍本是度外
事登壇四顧今人驚夾道鶯花三月暮濁酒離亭送
君去臨歧執手無他言更向前頭加兩步

以上截江綯

薛緩

夾江人一作龍游人幼穎悟日誦萬言舉進士
爲成都教授開禧初知漢源縣建玉淵書院累
遷秘書郎因陛對極言韓侂冑之奸免官與魏
了翁講明易學著則書十卷了翁歎服不逮號
符谿子諸經各有解

續和曹司高齋韻

坦性渠濃嫌我真斗升誰給太倉陳悠悠江漢飄零
客落落乾坤老病身心歷百艱彌感奮詩留千古越
清新高齋高處齊文焰付與從今仰止人

嘉定府志

林惇

開禧元年知開化縣

題太岳院壁

我來勸農值春雨傍人笑我身藍縷我身藍縷分當
然唯有擔夫愁艱阻汝擔夫聽我語桑麻穀粟生於
土若非雨澤滋發生粒食片衣誰付與豈不見田間

耕耨人泥塗深沒股曉露濕雲鬢歌笑采桑女他時
蠶麥倍豐成羅列寶盎鳴機杼一旦雨滿不爲勞當
念耕農蠶婦終歲服勤苦

見宏治開
化縣志

潘景夔

松陽人開禧二年知鹽官縣以儒雅飾吏治續
胡堯鹽官圖經十卷

香巖院

晚入招提路山風冷透裳寒鴉互分合霜稻半青黃
習訟傷澆俗思閑慰故鄉牧童如有感扣角唱斜陽

處州
府志

李兼

字孟達甯國人孝先曾孫博學工詩楊萬里推
許之開禧三年以朝請郎出知台州居官有守
明年九月除宗正丞未行卒所著有雪巖集

寄題愚齋

巧鬻非善賈利穫非良農君子不自智甘與庸人同
天君見獨者進退有新功忽歛藝文手反著懷袖中
客問以臆對此說非易窮吾非甯武子今學北山翁
奉陪撝甯侍郎遊柏山寺謁梅公墓小憇行
軒勉酌

蕭寺倚巖郭昔遊幾何年茲辰愜幽賞杖履從儒先
稍穿蒼蘚徑旋入青蘿烟山色若倒屣松風自鳴絃
目力眩奇觀步履信所便俄登栴檀林金碧耀修緣
道旁老木拱詩翁久飛仙蟬蛻萬物表蝶夢三生前
至今二百載相望箕斗懸緬懷文忠公豐碑泯遺鐫
樂善如緇衣後世兩稱賢山僧矜好事華表新題璇
向來委榛棘時情任渠遷原注時使君來奠梅公墓
下山僧始爲立華表故云
先生笑撫掌此事從古然相逢一樽酒勸君小流連
江梅欲浮動春光向妖妍同遊二三子春容有佳篇
歸與不知夜霜雪淨寒天

宛陵羣
英集

秋扇行

憶當九夏初恆御君王手西風颯然至持用焉能久
人情易變如三秋君恩覆水不可收藉使涼飈奪炎
熱感隕此身終不絕

題冀缺圖

耕夫自立苗且芸饑婦相敬禮如賓畫工貌出態閒
暇不是如今愚野人古之農者蓋如此饁彼公田同
婦子山林自信有真樂隱逸傳中無姓字吾不能走
馬章臺街畫眉狼籍貽譏諧又不能賣酒臨邛市奔
妻萬古不滅恥遺風後世豈無存半在東阡烟雨村

不見杵臼梁家婦猶能口口案前殮

田里

百穀盈成後三秋假樂時雞豚開社饗簫鼓賽神祠
野茹青盈筥香炊雪滿匙欲知田里趣細誦老翁詩

次韻周與能

墜緒今如綫遺書尙滿床功名兩蝸角世路幾羊腸
癖有登山屐貧無在笥裳故人應見念莫遺字稀行

莎雞

悲思一何苦繁華咽未休空庭殘月曙衰草故園秋
物化終歸盡年華迅若流要當期子夜相與和商謳

曉出

凌晨躬藏事未曉出城關路暗雞三唱天青月一彎
華香衣笥外嵐翠竹輿閒欲盡清游興官程索遽還

食兔詩

弱質司明視虛名直望舒軼羣辭上蔡能事到中書
狡計空多窟珍盤竟付厨獨將毫末效曾記汗青餘

謝張世顯詩卷

珍重張公子交情不我遺肯迂林下步來贊袖閒詩
江樹烟中色叢梅雪外枝吟哦清絕句一一可同時

鍾山

白鳥江天闊青山佛閣重影孤寒日塔聲殷暮烟鐘
異世文中選當時鏡裡容猶傳遺蛻骨只在此高峰

登于湖

斷岸收潢潦蒼烟出翠微眾帆爭鵲港孤塔認鳬磯
萬事皆前定重來晤昨非此身縻薄爵何處避危機

回次采石

十帆東下勢連檣控帶河山自一方寒角淒風營戍
遠野花溼雨墓田荒落霞孤鷺江干闊去馬來牛歲
月長老我聲名無一遂征衫藍縷鬢蒼蒼

謝當塗陳舍人饋姑孰春

門巷春風翳草萊
筆耕無藝甌生埃
空成洛下書生詠
敢望青州從事來
洗盞首供堂上壽
留尊更待月中開
陶然竟墜難名境
疑是凌歊百尺臺

晚春

筠窻幽獨靜亡隣
坐睡從吾一欠伸
綠樹清圓宜靜晝
孤花寂寞照餘春
時拈栢子燒銅鼎
旋碾茶團淪
玉塵在昔芻蕘猶足採
獨慙無用養閒身

送交代高丞

天涯客裏送人歸
恨絕青青楊柳枝
細雨杏園摩詰畫
春風花岸少陵詩
九天掄擢堪先卜
萬里功名莫

後時江上豈無西到雁平安數遣故人知

簡丘倅卽次韻

先生志尙直明廬庀職毋嫌外且疎聊向江城紆驥足行趨禁闕侍鸞輿河陽花樹曾親植魯相葵根欲盡鋤從此把君詩過目絕勝厚祿故人書

以上宛陵羣英集

寄白雲軒周道正

自往丹丘去因循過一年孤雲無定止明月又重圓書尾閒相問琴聲淡悄然何時當會面吟醉海濤邊

天台
續編

英

號梅所麗水人開禧時太學生與華岳唱和景
定三年朝奉郎淮西主管糧料院

榴皮題壁

求仙那得仙來訪多積陰功至有餘欲悟東林沈東

老故留三十六元書

東林山志

徐觀

衢州人開禧三年爲章伯奮作新亭記

新亭

溪流湯湯山容林林公行于亭鼓瑟鼓琴山禽聒貼
溪石岑岑公休于亭左經右律口有佳木侯薪侯蒸

尋尺之木屢屋之楹俾彼容舫蒸徒以顧屹爾中流
恢我王度公無戀斯民無去思百里之閭千里之畿
昌化志

易祓厲有

安靈龍潭

流水森無際其源徧坤輿壓之以山麓壅淤誰與疏
神物夜相宅風雷發歛歛擘開蒼玉峽瀉作清泠渠
安得探其穴扁舟武陵漁吾聞覆載閒不過一身如
九竅互開閣皮膚乃張舒其閒或積滯氣鬱成癰疽
山澤本通氣自然厥中虛明河轉地軸喬岳并郊墟

脉絡無不寓地行乃其餘請觀千丈瀑高出康谷廬
林伯成

字知萬長樂人開禧中曾充金正旦副使

嘉定丙子攜子元鼎元泰同張器之口叔郡貢
士唐口口卿子輝同遊浯溪賦此以識歲月

口時方喜能口口責備猶疑過頌功歸美從來臣子
事誰歌宋德乃心同

湖南通志
金石略

呂聲之

厲有

賀太常黃少卿

自從朝奏一封還便整歸裝問故山賸得清名千載

重何妨晚節十年閑慣尋夜雪達溪路卻謝春風漢
殿班國史舊編加簡討春秋直筆任詩刪

題南岳寺

誰把長竿釣巨魚至今蹲石倚空虛蜂房愛向山崖
結鳥跡疑從海島居入座翠嵐生晝寂夾川紅樹照
春餘任公此去三千載爲看芳碑一慨吁

和黃教授山堂招飲

鼎彝事業末渠休鷗鷺尋盟暫與儔路入芝巖真絕
境客延蓬島盡名流不辭一洗陶巾醉更擬雙飛謝
屐遊誰賞供都高閣句落霞孤鶩唱漁舟

舒城道中

還轅天作十分晴瀉出秋光一派清走筆欲題人到
跡揚鞭不住馬嘶聲頃禾晚熟黃雲色籬菊朝含白
露英得似淵明便歸去候門童稚出歡迎

西寺留題

白石孤雲自在閑紅塵一事不相關寺遮翠靄青蘿
外人到落花流水閒欲取錦囊收勝槩慚無玉帶鎮
名山白蓮喜結當年社未厭朝來暮便還

江西
詩徵

韓漪

開禧二年爲仙遊主簿

六經閣

在尊道堂後

小樓燈火夜青熒風撼梧桐客夢驚誰家更理琴烏
曲誤聽壁間絲竹聲

仙遊縣志

宋詩紀事補遺卷六十二終

男內閣中書樹屏校